

4377

18

DISSE^RTAT^O ENTOMOLOGICA,
BIGAS INSECTORUM
SISTENS,

184
BS

Quam
Divinis Auspiciis,
Cons. Illust^r. Facult. Med. Upsal.

PRÆSIDE,
D^{:NO} D^{OCT}. CAROLO
à LINNÉ,

S. R. M. ARCHIATR. EQ. AUK. DE STELLA [POL. MED. ET BOTAN.
PROF. R. O. ACAD. PARIS. PETROPOL. IMPER. N. C. HOLM. UPS. LOND. ANGL.
FLOR. BEROL. MONSP. TOLOS. BERN. EDINB. ROTER. NIJROS. CELL.
PHILADELPH. ZELAND. MEMBRO. ET FACULT. EDINB. ASS. HONGR.

*Publicæ Eruditorum disquisitioni
Modeste Subjicit
Stipendiarius Rhyzelianus*

ANDREAS DAHL,
Westrogothus.

In Aud. Carol. Major. d. XVIII. Dec. MDCCCLXXV.
H. A. M. S.

UPSALIÆ,
Typis EDMANNIANIS.


1848

c.2

SÆ RÆ M:TIS
MAGNÆ FIDEI VIRO,
REGIÆ AULÆ MARESCHALLO,
MAGN. CRUC. REG. ORD. DE WASA COMMENDATORI,
ORD. REG. DE STELLA POLARI EQUITI AURATO,
ET
REG. ACAD. SCIENT. STOCKH. ATQ'UE UPS. MEMBRO,
PERILLUSTRI, GENEROSISSIMOQUE
LIBERO BARONI,
D:NO CAROLO
DE GEER,
MÆCENATI SUMMO,
SACRUM.




1.



2.



5.



4.



8.



6.




10.



7.



9.



*Viro Nobilissimo atque Experientissimo
DOMINO
DOCT. FOTHERGILLE,
Medicorum apud Anglos Principi,
nec non
Historico Naturali inclitissimo,
Patrono & Promotori Maximo.*

Dissertationem hanc de Bigis Insectorum admirabilium, quæ TIBI NOBILISSIME VIR, Soli accepta sunt referenda, ad animum gratissimum publice testificandum cum adprecatione affluentia omnis felicitatis, Sacram esse voluit, debuit,

Nobilissimi Nominis Tui

eliens devotissimus
ANDREAS DAHL.

*Viro spectatissimo atque Experientissimo,
D:NO ANDREÆ SILVIO*

Pharmacopolæ Scarenſi dexterimo,

Avunculo dilectissimo,

*Molâ omnino ſalſâ litans, lucubrations hæcce A-
cademicas TIBI, rerum ſuarum vacillantium
COLUMNÆ, gratissima mente*

DAT. DICAT. DEDICAT.

cultor humillimus
ANDREAS DAHL.

DE BIGIS INSECTORUM.

In consideratione naturæ nihil potest esse supervacaneum.

PLINIUS.

§. I.

Scientias modo perquam singulari capere incremen-
ta, earumque alteram alteri palmam præripere,
quemadmodum alia quæcumque in vita communi, anim-
advertisit attentus rerum contemplator. Non multis
ab hinc annis scientia Botanices, ratione medicamento-
rum habita, Medicis solum putabatur necessaria: nostris
vero temporibus Oeconomus quisque meliora edoctus,
illam suæ scientiæ firmissimum ponere fundamentum,
agnoscit. In Zoologia excolenda serius collocata fuit
opera: grandiora quidem animantia hominibus multipli-
cem adferre utilitatem existimabantur; sed Insecta ver-
mesque, ut prorsus inutiles, respiciebantur. *Illa*, si pau-
cissima quædam exceperis, v. gr. *Anserem Scoticum*, per
generationem univocam, *hæc* autem per æquivocam
propagari credebantur, & indigna omnino, ad quæ a-
nimum attenderent homines. Aucta vero illorum co-
gnitione, deprehendimus, *hæc* etiam a Creatore præ-
stantissimis ornata esse dotibus, ad Oeconomiam Natu-
ræ sartam testamque habendam quam maxime necessa-
riis. *1:mo Hæc*, licet minima, multitudine tamen indi-

viduorum cuiuslibet speciei simul sumta compensant molem maximorum animalium, ut *Camelorum*, *Cetorum*, *Strutbionum*, cet. Hæc quoque paucos, illa vero innumeros procreant fetus. *II:o* Insecta numero specierum cuiusque generis animantibus ceteris longe præstant. Quænam ingentium animalium seu sanguineorum ex tanta specierum copia constant, quanta in exsanguibus Insectis saepe reperitur, ut in *Scarabæis*, *Gryllis*, *Cimicibus*, *Papilionibus*, *Pbalænis*, *Muscis*, ceteris, quorum species sunt ultra centum? *III:tio* Animantia singula suis prædicta sunt instrumentis, ad opus aliquod in theatro Naturæ peragendum destinatis. Quibus inter tot species tam diversa, quam his, concessa sunt instrumenta, ad functiones adeo differentes accommodata? Majoribus nostris aliquot tantum centena Insectorum innotuere, nobis autem ultra tria millia; quamvis minima pars Indorum adhuc sit detecta. *IV:to* Quo fieri posset, ut Natura consisteret, & altera herba ab alterius oppressione esset libera, his destituta ministris, qui, si ejusdem essent magnitudinis, ac reliqua animalia, & nos & ceteros terræ incolas prorsus perderent.

§. II.

Omnium opinione innumeræ erant Insectorum species, quamdiu per generationem æquivocam produci credebantur, usque dum Nob. Dom. ARCH. & PRÆSES infatigabili labore illa in Systema redegerat, Genera,

ra, Ordines & Clases, cum definitis Speciebus, continens. Quum parva hæcce animalia, unumquodque in suo genere, æque inter se similia esse, ac grandiora, vident naturæ Scrutatores; in enucleanda Insectorum historia indefessam collocare coeperunt operam. Licet cujusvis utilitas huc usque nobis non sit perspecta, Naturam tamen nihil frustra fecisse, a priori certo concludere possumus. Præterea necesse est, ut singula suis insigniantur nominibus, quo facilius observationes nostras cum aliis communicare queamus.

Nomina si pereunt, perit & cognitio rerum.

§. III.

Plurima Insectorum genera jam tum esse detecta, observamus, eorum considerata historia. Dom. Doct. THUNBERG, qui singularem omnino operam rebus impedit Entomologicis, per litteras commemorat, se sub itinere triennii ad Caput Bonæ Spei vix ullum genus novum reperire potuisse; & longius latiusque peregrinatus Dom. Doct. FORSTER, qui regiones invisit circa Polum Antarcticum sitas, neque ibi nova Insectorum genera, sed paucissimas tantummodo species, se deprehendisse, narrat. Unde patet, genera Insectorum nova admodum esse rara, nisi ante cognita quispiam vellet separata, ut *Hydroum* a *Dytiscis*, *Ipsidem* a *Der-mestisibus*, cert.

Unum Insectoris est sensus organum, a Creatore eis solum concessum, quod *antennarum* nomine insignitur, & cujus functio æque est difficilis perscrutatu, ac visus investigatio sine oculis & olfactus sine naso. Historiam Insectorum inspicientes, animadvertisimus, antennas hæc, v. gr. *Coleopterorum*, multiplicis admodum esse frumentaræ, qua non observata, in distinguendis generibus statim erramus: quippe quæ sola naturalem constituit characterem.

Id mihi contigit felicitatis, ut duo Insecta nuperri-
me viderim a remotissimis terris huc adducta, quorum
antennæ ab aliis adeo sunt alienæ, ut cum illis ne ullo
quidem modo comparari possunt. Unde certissimus colle-
gi, illa etiam duo nova diversaque fore genera, quæ
Curiosis naturæ hactenus detexit nemo. Scilicet Incli-
tissimo Lond. Anglorum Medico Dom. Doctori FO-
THERGILL, qui naturæ pervestigationem in summis
habet deliciis, & maximam Insectorum copiam, præ-
cipue ex America septentrionali & Guinea allatam, pos-
sideret, ad Nob. Dom. PRÆSIDEM excellentissimas suas
collectiones, haud ita pridem, mittere placuit. Inter
alia rariora hæc duo in primis mihi visa sunt adeo sin-
gularia, ut me Curiosis naturæ & Scrutatoribus maximam
crederem conciliaturum delectationem, si nova hæcce
genera perspicue describerem, ne oblivioni dentur, at-
que adeo diu fortassis posthac lateant.

DIO-

DIOPSIS.

Capite bicorni, oculis terminalibus.

DIOPSIS Ichneumonea.

CORPUS magnitudine Formicæ rubræ, statura Ichneumonis.

CAPUT rufescens, dente utrimque ad os: exten-
ditur hoc in duo *cornua*, patentia, longitu-
dine thoracis, solida, nec articulata, uti an-
tennæ, ferruginea, terminata *oculo* globo, *flexo*, nigro. Adjecto juxta oculum *puncto*
cum seta, antennæ rudimento.

THORAX niger, postice dentibus a tergo duobus,
subulatis, flavis, & utrimque solitariis ad
latera.

ALÆ binæ, hyalinæ, versus apicem anterius pun-
cto nigro.

ABDOMEN (Ichneumonis) clavatum, subpedicella-
tum, articulis duobus ultimis nigris.

PEDES flavi, *femoribus* anticis clavatis.

Obs. I. Diopsidem esse ex Ordine Dipterorum, patet
tum ex *halteribus* ejus clavatis sub sua squamula,
tum ex parva oris *proboscide*.

II. Thorace spinoso multum differt a Muscis cete-
risque Dipteris, & ad Formicarum genus propius
accedit.

- III. Pedibus longis, abdomine clavato & macula fuscā in apice alarum refert Ichneumones; ejusdem tamen non est generis.
- IV. Duobus in capite cornibus optime distinguitur non a Dipteris solum, sed ab omnibus etiam Infectis huc usque mihi cognitis. Hæc *cornua* sunt fixa, inarticulata, capite multo longiora, filiformia sive cylindrica, patula & immobilia, ideoque pro antennis non reputanda. In apice singulorum, quod notatu dignissimum est, conspicitur oculus extrorsum non nihil flexus, terminalis, adeoque multum a capite distans. Primo quidem obtutu nullum observatur antennarum vestigium, sed accuratori adhibita attentione, juxta oculum pilus reperitur subtilis, e papilla minima prodiens, qui verum est antennæ rudimentum.

PAUSSUS.

Antennis clavatis, biarticulatis, clava solida, uncinata.

PAUSSUS microcephalus.

CORPUS magnitudine Dermestidis lardarii, nigrum.

CAPUT minutissimum. *Antennæ* cum capite thorace majores, articulis duobus; *inferiore* angustiore, minore; *exteriore* clavato, uncinato, solido, majore.

THORAX angustus, depresso, antice margine transverso, elevato.

ELYTRA picea, levia, minus dura, abdomine paullo longiora, inflexa, tenuia. AB-

ABDOMEN postice fere truncatum.

PEDES, uti totum corpus, nigri.

Ob. I. Antennis facile distinguitur a ceteris Coleopteris: certum enim est, characterem generis verissimum in hoc Ordine sumendum esse a structura antennarum, quippe quae sunt vel *clavatae* vel *filiformes* vel etiam *setaceae*. Hoc Coleopteron antennas habet *capitatas* & adeo singulares, ut nulla omnino sit illarum similitudo cum antennis reliquorum hujus Ordinis Insectorum. Præterquam enīm, quod hujus antennæ ex duobus foliis consistent articulis, *caulino* nempe & *capitato*; harum etiam capitula, quae maxima sunt & solida, tam mire formantur, ut in medio reflexa, minime licet acuminata, hamum exacte referant *).

II. Præterea, si corpus respexeris, invenies abdomen postice quasi truncatum, ut in quibusdam *Scarabæis*, aliisque Coleopteris; singulare tamen est, quod hujus elytra sint ab domine longiora, truncata & aliquantum ad apicem inflexa.

III. Thoracem habet corpore angustiore, & carina transversa a reliquis Coleopteris multum differt.

*) Ab antennis suinendus est genuinus character generis; ad Dytiscos enim antennis persoliatis quod attinet, v. gr. *piceum*, *Caraboidem*, *Scarabæoidem*, *fuscipedem* & *luridum*, qui *antennas* habent *clavatas*, & interim relati sunt ad Dytiscos *antennis setaceis*, licet instructi sint pedibus nataliis, in aquis degant & speciem præ se ferant Dytiscorum: re tamen accuratius pensitata, proprium constituant oportet genus, quod quidam *Hydrophilum* appellarunt, ego vero *Hydroum* mallem nuncupatum.

EXPLICATIO TABULÆ

1. DIOPSIS magnitudine naturali a tergo.
2. - - - - ad latus visa.
3. - - - microscopio aucta.
4. - - - - a latere.
5. Frons ejus, os & cornua capitis oculata.

6. PAUSSUS magnitudine naturali.
7. - - idem a latere inspectus.
8. - - lente visus.
9. - - - supinus.
10. - - - a latere conspectus.